



Broj: 16-12-16-2238-15 /18  
I. Sarajevo, 09.07.2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 26. i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije II za nabavke za potrebe Državne agencije za istrage i zaštitu u 2018. godini broj 16-12-16-2238/18 od 08.06.2018. godine, u postupku javne nabavke municije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u ograničenom postupku za dostavljanje ponuda za javnu nabavku municije za potrebe Državne agencije za istrage i zaštitu

#### **Član 1.**

U ograničenom postupku za dostavljanje ponuda za javnu nabavku municije za potrebe Državne agencije za istrage i zaštitu za koji je Obavještenje o javnoj nabavci broj 1161-2-1-128-3-27/18 od 27.03.2018. godine, objavljeno na portalu Agencije za javne nabavke i u „Službenom glasniku BiH“ broj 21/18, okvirni sporazum za period od dvije godine dodjeljuje se ponuđaču „KM TRADE“ d.o.o. Visoko i to za:

- LOT 1 - nabavka 250.000 komada pištoljske municije kalibra 9x19 mm, za ponudenu cijenu od 80.000,00 KM bez uračunatog PDV-a;
- LOT 2 - nabavka 200.000 komada municije za puške kalibra 5.56 mm, za ponudenu cijenu 140.000,00 KM bez uračunatog PDV-a.

#### **Član 2.**

Ponuđač iz člana 1. ove odluke obavezan je ugovornom organu u roku od pet dana od dana prijema ove odluke dostaviti dokaz o ispunjavanju uslova iz člana 45. Zakona o javnim nabavkama i člana 9. Pravilnika o postupku dodjele ugovora u oblasti odbrane i bezbjednosti (original ili ovjerena kopija).

#### **Član 3.**

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internet stranici Državne agencije za istrage i zaštitu.

#### **Član 4.**

Za realizaciju Odluke zadužuje se Sektor za materijalno-finansijske poslove Državne agencije za istrage i zaštitu.

#### **Član 5.**

Ova odluka stupa na snagu danom donošenja.

## O b r a z l o ŝ e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2238-1/18 od 21.03.2018. godine, pokrenut je postupak javne nabavke municije za potrebe Agencije, putem ograničenog postupka, procijenjene vrijednosti 222.000,00 KM bez uračunatog PDV-a, a za što su novčana sredstva obezbjeđena u okviru budžetskih sredstava za 2018. godinu. Agencija će prije sklapanja pojedinačnog ugovora o nabavci municije sa ponuđačem, sa kojim je zaključen okvirni sporazum, tražiti saglasnost ministra bezbjednosti Bosne i Hercegovine. Predmet javne nabavke municije podjeljen je na lotove i to:

- a) LOT 1 - nabavka 250.000 komada pištoljske municije kalibra 9x19 mm, procijenjene vrijednosti 80.000,00 KM bez uračunatog PDV-a;
- b) LOT 2 - nabavka 200.000 komada municije za puške kalibra 5.56 mm, procijenjene vrijednosti 142.000,00 KM bez uračunatog PDV-a.

Prema tenderskoj dokumentaciji odabir ponuđača za javnu nabavku municije za potrebe Agencije provodio se putem ograničenog postupka u dvije faze i to:

- Faza I - predkvalifikacija i provjera kvalifikacija kandidata;
- Faza II – dostavljanje ponuda kvalifikovanih kandidata.

U Fazi I - pretkvalifikacije i provjere kvalifikacije kandidata Zahtjev za učešće u postupku javne nabavke municije dostavili su sljedeći kandidati:

Redni broj	Naziv kandidata
1.	"KOTEX" d.o.o Tešanj
2.	"KM TRADE" d.o.o Visoko"
3.	"JACIMOVIĆ" d.o.o Banja Luka
4.	"SHOT" d.o.o Zenica

Nakon provedene Faze I - pretkvalifikacije i provjere kvalifikacije Agencija je na prijedlog Komisije donijela Odluku o rezultatima pretkvalifikacije u postupku javne nabavke municije za potrebe Agencije, broj 16-12-16-2238-8/18 od 25.04.2018. godine, prema kojoj su kvalifikovani sljedeći kandidati:

- a) "KOTEKS" d.o.o Tešanj (za LOT 1 i LOT 2),
- b) "KM TRADE" d.o.o Visoko (za LOT 1 i LOT 2),
- c) "JACIMOVIĆ" d.o.o Banja Luka (za LOT 1 i LOT 2),
- d) "SHOT" d.o.o Zenica (za LOT 1 i LOT 2).

Agencija je kvalifikovanim ponuđačima dostavila Poziv za učešće u ograničenom postupku javne nabavke municije za potrebe Agencije.

Obzirom da je tačkom 20. Tenderske dokumentacije navedeno da je rok za dostavljanje ponuda 21.05.2018. godine do 12,00 sati, te da se ponude dostavljaju u zatvorenoj koverti, Komisija je dana 21.05.2018. godine u 14,00 sati izvršila otvaranje dostavljenih ponuda.

Blagovremeno su dostavljene tri ponude, i to kako slijedi:

Redni broj	Naziv ponuđača	Lot	Vrijednost ponude (bez PDV-a)
1.	"KM TRADE" d.o.o. Visoko	LOT 1 LOT 2	80.000,00 KM 140.000,00 KM
2.	"KOTEX" d.o.o Tešanj	LOT 1 LOT 2	77.500,00 KM 138.000,00 KM
3.	"SHOT" d.o.o Zenica	LOT 1 LOT 2	112.500,00 KM 140.000,00 KM

Komisija je aktom broj 16-12-16-2238/18 od 28.05.2018. godine od Jedinice za specijalnu podršku Agencije, tražila stručno mišljenje po pitanju zadovoljavanja postavljenih tehničkih uslova u Tenderskoj dokumentaciji. Prema mišljenju Jedinice za specijalnu podršku, akt broj 16-09-16-2238/18 od 31.05.2018. godine, sve dostavljene ponude zadovoljavaju tehničke uslove iz Tenderske dokumentacije.

Uvidom u dostavljenu ponudu ponuđača "KM TRADE" d.o.o. Visoko, Komisija je utvrdila da je ponuđač u skladu sa tačkom 27. Tenderske dokumentacije, dostavio potvrdu Vanjskotrgovinske komore Bosne i Hercegovine broj 05-05-03-27-2188/18 od 07.05.2018. godine za LOT 1 i potvrdu broj 05-05-03-27-2399/18 od 17.05.2018. godine za LOT 2, a u svrhu korištenja prava na preferencijalni tretman domaćeg u postupku javne nabavke municije.

Ugovorni organ u skladu sa članom 1. stav (1) tačka b) alineja 2) Odluke o obaveznoj primjeni preferencijalnog tretmana domaćeg („Službeni glasnik BiH“, broj 83/16) u svrhu poređenja ponuda, umanjio je cijenu domaće ponude za preferencijalni faktor od 10%, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	"KM TRADE" d.o.o. Visoko	LOT 1	72.000,00 KM (primjena preferencijalnog tretmana domaćeg 10%)
		LOT 2	126.000,00 KM (primjena preferencijalnog tretmana domaćeg 10%)
2.	"KOTEX" d.o.o Tešanj	LOT 1	77.500,00 KM
		LOT 2	138.000,00 KM
3.	"SHOT" d.o.o Zenica	LOT 1	112.500,00 KM
		LOT 2	140.000,00 KM

Cijeneći naprijed navedeno, uz uvažavanje stručnog mišljenja Jedinice za specijalnu podršku Agencije, Komisija je ocijenila da je ponuđač "KM TRADE" d.o.o. Visoko dostavio prihvatljivu ponudu za LOT 1 i LOT 2, koja uživa preferencijalni tretman domaćeg, a koja ne premašuje ukupno procijenjenu vrijednost nabavke za navedene lotove.

Shodno navedenom, prihvaćen je prijedlog Komisije i odlučeno je kao u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od deset dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. Poslove;
- a/a.

